

中西溫熱串解

楊永年
題簽

卷
六五

省中藥學委員會書籤

編號 11-85 $\frac{4}{6}$



中西溫熱串解卷五

閩同安吳錫璜註釋

弟 珣甫錫琮參訂

葉香巖幼科三時伏氣外感篇註解

男

道卿樹仁
植卿樹萱
校字

春溫一病。由冬令收藏未固。昔人以冬寒內伏藏於少陽。以春木內應肝膽也。寒邪深伏。已經化熱。昔賢以黃芩湯為主方。苦寒直清裏熱。熱伏於陰。苦味堅陰。乃正治也。知溫邪忌散。不與外感門同法。若因外感先受引動在裏伏邪。必先辛涼以解新邪。繼進苦寒以清裏熱。況熱乃無形之氣。時醫多用消滯攻治。有形胃汗先涸。陰液劫盡者多矣。

周澂之曰。伏邪因新邪引動而發者最多。或因風熱。或因風寒。或因飲食。或因勞倦。但新舊兩邪。各有輕重不同。如新邪輕。一二日後已自無迹。自可一意清理伏邪。如新邪重。斷宜急祛。兩邪相併。便難措手。常見外寒激動伏熱。遷延日久。熱邪充滿臆中。淫溢腠理。而寒邪進入經絡。

脂膜雖遍身大熱。日日出汗。寒自不動。治宜扶助正氣。兼用行血通絡之品。乃能發疹而愈。此法世無知者。

璜按熱病將發。邪氣鬱蒸於皮膚。無不惡寒者。熱已開泄。則寒去而熱獨留。然必隨氣候之雜病而發。故曰新邪引動伏邪。東醫以此病為潛伏。只十四日期者。似未諦當。

章虛谷曰。或云人身受邪。無不即病。未有久伏而發者。其說似甚有理。淺陋者莫不遵信為然。不知其悖經義。又從而和之。夫人身內臟腑外營衛。於中十二經十五絡六百五十七穴。細微幽奧。曲折難明。今以一郡一邑之地。匪類伏匿。猶且不能覺察。況人身經穴之淵邃隱微。而邪氣如煙之漸熏。水之漸積。故如內經諸痛諸積。皆由初感外邪。伏而不覺。以致漸侵入內。所成者也。安可必謂其隨感即病。而無伏邪者乎。又如人之痘毒。其未發時全然不覺。何以又能伏耶。由是言之。則素問所言冬傷寒春病溫。非譌語矣。

風溫者春月受風其氣已溫。經謂春病在頭。治在上焦肺位最高。邪必先傷。此手太陰氣分先病。失治則入手厥陰心包絡。血分亦傷。蓋足經順傳如太陽傳陽明。人皆知之。肺病失治逆傳心包絡。人多不知者。俗醫見身熱咳喘。不知肺病在上之旨。妄投荆防柴葛。加入枳朴杏蘇。藟子查麥。廣皮之屬。輒云解肌消食。有見痰喘。便用大黃。蒙石滾痰丸。大便數行。上熱愈結。幼稚穀少胃薄。表裏苦辛化燥。胃汁已傷。復用大黃大苦沈降。致脾胃陽和傷極。陡變驚癇。莫救者多矣。

自注 風溫肺病治在上焦。夫春溫忌汗。初病投劑宜用辛涼。若雜入消導發散。不但與肺病無涉。却盡胃汁。肺乏津液。上供頭目。清竅徒為熱氣熏蒸。鼻乾如煤。目瞑。或上竄無淚。或熱深肢厥。狂躁溺瀉。胸高氣促。直是肺氣不宣化之徵。斯時若以肺藥稍加一味清降。使藥力不致直趨腸中。而上痺可開。諸竅自爽。無如市醫僉云結胸。皆由連萸柴枳苦寒直降。致閉塞愈甚。告斃者多。又此證初因發熱喘嗽。首用辛涼。

清肅上焦如蒲荷連翹牛蒡象貝桑葉沙參枝皮薑皮花粉若色蒼熱勝煩渴用石膏竹葉辛寒清散痧疹亦當宗此若日數漸多邪不得降芩連涼膈亦可用至熱邪逆傳膈中神昏目瞑鼻竅無涕淚諸竅欲閉其勢危急必用至寶丹或牛黃清心丸病減後餘熱只甘寒清養胃陰足矣。

璜按風溫誤用辛溫必傷血分誤用下法必成結胸王氏醫案諸法俱在。非熟讀不悟也。此證胸高氣促鼻乾如煤西洋醫用開水蒸水煙於空中以潤肺竅用胡麻麥麩或飯粒布包煮熱熨胸膈以運降其痰每取效。

周澂之曰首用清涼清肅上焦須是認定風溫肺氣不勝其散以致喘嗽若稍涉風寒咳聲緊悶便不可用誤用即閉邪成癆怯。

春月暴暖忽冷先受溫邪繼為冷束致嗽痰喘最多辛解涼溫只用一劑大忌絕穀若甚者宜晝夜豎抱勿倒三四日夫輕為效重為喘喘急則鼻

掀胸挺

自注

春溫皆冬季伏邪。詳於大方諸書。幼科亦有伏邪。始從大方。然
暴感為多。如頭痛惡寒。發熱喘促。鼻塞聲重。脈浮無汗。原可表散。春令
溫舒。辛溫宜少。用陽經表藥。最忌混亂。至若身熱咳喘。有痰之證。只宜
肺藥清解。瀉白散加前胡。牛蒡薄荷之屬。消食藥只宜一二味。若二便
俱通者。消食少用。須辨表裏上下。何者為急。施治。又春季溫煖。風溫
極多。溫變熱最速。若發散風寒。消食劫傷津液。變症尤速。

王士雄曰。沈堯封云。溫亦火之氣也。蓋火之微者曰溫。火之甚者曰熱。
三時皆有。惟暑為天上之氣。獨甚於夏令耳。

璜按神昏目瞑。急救用紫雪丹。牛黃清心丸。效驗良多。徐靈胎所謂金
石通靈之品也。初起咳嗽喘急。通用薄荷連翹。象貝牛蒡。

花粉 桔梗 沙參 木通 枳殼 桔紅

表解熱不清。用黃芩 連翹 桑皮 花粉 地骨皮 川貝 知

母山枝 ○備用方 黃芩湯 葱豉湯 涼膈散 清心涼膈散

葦莖湯 瀉白散 葶藶大棗湯 白虎湯 至寶丹 牛黃清心丸

竹葉石膏湯 俞氏清燥救肺湯

裏熱不清。朝上涼。晚暮熱。即當清解血分。久則滋清養陰。若熱陷神昏。痰升喘促。急用牛黃丸。至寶丹之屬。風溫乃肺先受邪。遂逆傳心胞。治在上焦。不與清胃攻下同法。幼科不知。初投發散。消食不應。改用紫芩瓜蒌枳實黃連。再下。奪不應。多致危殆。皆因不明手經之故耳。若寒痰阻閉。亦有喘急氣高。不可與前法。用三白吐之。或妙香丸。

夏由熱病。然夏至以前。時令未為大熱。經以先夏至病溫。後夏至病暑。溫邪前已申明。暑熱一症。醫者易眩。夏暑發自陽明。古人以白虎湯為主方。後賢劉河間創議。迴出諸家。謂溫熱時邪者。分三焦。投藥以苦辛寒為主。若拘六氣分症。仍是傷寒治法。致誤多矣。蓋傷寒外受之寒。必先從汗解。辛溫散邪。是已。口鼻吸入之邪。即為中寒陰病。治當溫裏。分三陰見症。施

治。若夫暑病專方甚少。皆因前人略於暑詳於寒耳。考古如金匱暑暍症之因。而潔古以動靜分中暑中熱。各具至理。茲不槩述。論幼科病暑熱夾雜別病有諸。而時下不外發散消導。加入香薷一味。或六一散一服。考本草香薷辛溫發汗。能泄宿水。夏熱氣閉無汗。渴飲停水。香薷必佐杏仁。以杏仁苦降泄氣。大順散取義若此。長夏濕令。暑必兼濕。暑傷氣分。濕亦傷氣。汗則耗氣傷肺。胃汁大受劫燠。變病由此甚多。發泄司令。裏真自盡。張鳳達云。暑病首用辛涼。繼用甘寒。再用酸泄。酸斂不必用下。可稱要言不煩。然幼科因暑熱蔓延。變生他病。亦摘其槩。

周澂之曰。口鼻吸入之寒。其重者為中寒。其輕者不得為中寒。而總屬陰病。治宜溫裏。乃不易之理。已詳注前節。先生真先得我心者。至於溫暑。起手即用辛涼甘寒。直須認定不夾風寒方可。若因風寒久閉。內氣化熱。便當別議。內化熱而外寒已開者。或從燥熱。或從濕熱。隨症治之。外寒仍閉者。其內必非真熱。明是衛陽內陷。治宜鼓舞正氣。衛通寒解。

而熱自消散

章虛谷曰。暑必兼濕。狀如外感風寒。忌用柴葛羌防。如肌表熱無汗。辛涼輕劑無誤。香薷辛溫氣升。熱服易吐。佐苦降如杏仁黃連黃芩則不吐。宣通上焦加杏仁連翹薄荷竹葉。暑邪深入伏熱煩渴。白虎湯六一散。暑病頭脹如蒙。皆熱盛上熾。白虎竹葉酒濕食滯者加辛溫通裏。

璜按暑必挾濕。以濕為重濁之邪。暑乃薰蒸之氣也。熱處濕中。濕熱相爭。阻於氣分。治不中的。其邪無處發泄。則走入營分矣。上焦不解。上蒙清竅。則耳聾無聞。漫延中下。則胸腹板悶。二便不利。便成濕溫重症。治之之法。仍當於氣分營分求之。

受熱厥逆

夏令受熱昏迷若驚。此為暑厥。即熱氣閉塞孔竅所致。其邪入絡。與中絡同法。用牛黃丸至寶丹芳香利竅可效。

徐靈胎云妙法。王士雄云紫雪丹亦可酌用。

璜按葉氏謂邪入絡與中絡同法。中絡在我國謂之中風。西醫謂之腦出血。此云熱閉孔竅。即西醫謂之熱入延髓神經。芳香利竅。即安腦劑也。神甦以後。用清涼血分。如連翹心竹葉心元參細生地鮮生地。二冬之屬。璜按羚羊鈎藤甘菊菖蒲桑枝荷葉之類。可隨宜加入。

初起大忌風藥。王士雄曰火邪得風藥而更熾。

璜按服風藥往往神昏發瘧。一誤再誤。頃刻立斃。余每遇此症。凡用風藥變為昏瘧者。用牛黃紫雪之屬。佐以大劑清解。愈者甚多。倘初起能隨氣分營分調治。從無變昏瘧者。西醫每以昏瘧為毒菌入於延髓神經。然依中法不誤治者。發昏瘧有之。不發昏瘧亦有之。輕症用辛溫風藥。不過熱較重。仍未發昏瘧。多用數劑。從末有不發昏瘧者。豈風藥能引毒菌以入神經耶。此理殊不可解。大約風藥能燥營。便能引熱上衝腦髓。此則可斷言耳。

初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽者。為是大忌。誤認傷寒也。

魏柳洲曰。火極如水。乃物極必反之候。凡患此為燥熱溫補所殺者多矣。哀哉。蓋內真寒而外假熱。諸家嘗論之矣。內真熱而外假寒。論及者罕也。王士雄曰。道光甲辰六月連日酷熱異常。如此死者。道路相接。余以神犀丹紫雪二方救之。極效。

周澂之曰。熱性散越。何致閉塞。此必乘風飲冷。所迫觀起手用芳香通竅可知矣。若真因暑汗太過。肺氣不積。津液內傷。燥火燔灼。以致昏厥。尚可用此速其散脫耶。

附驚風新論

驚風二字。喻氏闢前人謂鑿空妄談。方中行謂即癎病。吳鞠通因之。而作解兒難。舉世宗之。莫不以驚風為謬說。而不知其仍本內經驚風即癎。癎即驚風命名之差耳。夫驚者言其躁擾也。風者言其強直也。素問著至教。

篇曰三陽積并則為驚其病起如疫風礪礪陽氣滂溢九竅皆塞內經曰諸暴強直皆屬於風由二者觀之驚風即腦膜炎每隨四時各熱症而起多發於一今試以新學說互證之驚風即腦膜炎每隨四時各熱症而起多發於一歲至七八歲之年齡大人熱症亦有昏暈但小兒變癎每在初候大人變癎每在末期此則其有差異之點也小兒之驚風常於新生齒時期或因跌打震盪腦髓或近傍炎症之波及或腦部有充血之傾向皆能發此症若成人非傳染病盛行時代少有發癎攣性者故此病惟小兒最居多數小兒之將發癎也全身違和食思不振夜卧難安時時啼泣發熱三十九度乃至四十度或更騰於四十度以上於俄頃間遂即發癎或有將發熱而即發癎者其為狀也頻頻驚悸唇爪失色瞳孔散大眼瞼下垂現昏睡狀有時眼開直視弄舌齩齒人事全然不省或起腸炎則有青色便之下痢凡罹腦膜炎之小兒頭骨顙門有潤大腫起之傾向亦發嘔氣嘔吐腦膜炎之初起其經過為急性有一發即行治愈者有累發而後漸愈者有

移為慢性或至發痴呆之狀者。凡腦髓已受壓迫。腦神經之官能衰竭。則罹於結核性之腦膜病。而至不可治。

此外更有小兒腸胃積聚生蟲。每見食思不振。夜卧不安。妄言可怕之動物。兼發身熱咳嗽等症。及驚風之各現象。此即中醫史濱山所謂蟲積沖心之症。宜用山道年以殺其蟲。再以瀉藥下之。萬勿誤認為驚風致夭兒命。

熱疳

幼兒斷乳納食。值夏月脾胃主氣。易於肚膨泄瀉。足心熱。形體日瘦。或煩渴喜食。漸成五疳積聚。當審體之強弱。病之新久。有餘者疏胃清熱。食入糞變白。或不化。健脾佐消導清熱。若濕熱內鬱。蟲積腹痛。導滯驅蟲。微下之。緩調用肥兒丸之屬。

璜

按西說有云。小兒在夏勿斷乳者。甚為確論。然小兒夏月吐瀉甚多。且見危險。亦不盡由於斷乳。當隨氣候及病人之寒熱虛實施治。

口疳

夏季秋熱小兒泄瀉或初愈未愈滿口皆生疳蝕嘗有阻塞咽喉致危者此皆在裏濕盛生熱熱氣薰灼津液不生濕熱偏傷氣分治在上焦或佐淡滲世俗常刮西瓜翠衣治疳取其輕揚滲利也

脹

夏季濕熱鬱蒸脾胃氣弱水穀之氣不運濕着內蘊為熱漸至浮腫腹脹小水不利治之非法水濕久漬逆行犯肺必致咳嗽喘促甚則坐不得卧俯不得仰危期速矣大凡喘必生脹脹必生喘方書以先喘後脹治在肺先脹後喘治在脾亦定論也金匱有風水皮水石水正水黃汗以分表裏之治河間有三焦分消子和有磨積逐水皆有奧義學者不可不潛心體認難以槩述閱近代世俗論水濕腫脹之症以內經開鬼門取汗為表治分利小便潔淨府為裏治經旨病能篇謂諸濕腫滿皆屬於脾以健脾燥濕為穩治治之不效技窮束手矣不知凡病皆本乎陰陽通表利小便乃

宣經氣利腑氣是陽病治法。煖水藏溫脾胃補土以驅水。是陰病治法。治肺痺以輕開上。治脾必佐溫通。若表裏陰陽乖違。臟真日瀉。陰陽不運。亦必作脹。治以通陽。乃可奏績。如局方禹餘糧丸。甚至三焦交阻。必用分消。腸胃室塞。必用下奪。然不得與傷寒實熱同例。擅投硝黃枳朴。擾動陰血。若太陰脾臟飲濕阻氣。溫之補之。不應欲用下法。少少甘遂為丸可也。其治實症。選用方法備採。

周激之曰。此節水濕久漬。逆行犯肺一段。最宜細參。此當辛散淡滲并用。近世見其喘促。每用辛涼清肅。以致危殆。陳修園亦謂久咳則火上升。予細察病者。多是久咳。則水氣逆射。推原其理。由肺氣不能順降。水道不能通調也。故久咳聲悶。坐不能卧者。必用五苓小青龍法。乃效。

按脹胃病也。喘促肺病也。水腫我國舊學。每以謂濕熱蒸於脾胃。或以為脾腎濕寒。病情影響模糊。層見錯出。殊難索解。不知此乃內腎壞之病。醫者日用而不知耳。觀腎氣丸真武湯從腎元分利着手。以利水。

濕每每見效則腫脹之由內腎壞中醫已能洞見本原特由熱化者多有未合則尤當分別施治也查內腎壞之症初起惡寒周身痛頭痛作悶嘔甚又有見臟脹者亦有血内含尿質者及成症則小便不利全身腫或有一二處積水極多而腫甚者皮乾脹而不柔和色白血内含尿質且心外衣心房内衣肺本體肺胞膜腹統膜氣管內皮等處皆見發炎之患狀兼起身熱其腎部疼痛痛亦有時而輕小便極短而閉色黑內攪以血濁且重內涵尿底有蛋白以顯微鏡察之則有血內之紅珠及微絲溺管之內衣隨時不同當留心察之又有一起即全身水腫數點鐘即腫至不能識其面目胸膛皆積水肺腫及喉亦腫則危險脈緊有力胃全無口極渴大便結或別處兼起發炎或血内含尿質則為致死之原因據西醫此說則我國所謂水濕逆行犯肺而致喘脹者則心外衣肺胞膜腹統膜之病也由內腎壞之水腫牽累而及故凡此症而致小便日少蛋白與膏日多腫甚皮燥心房積脹氣緊大便改常身熱

不退均不可輕言易治。治之之法。宜開汗源。法以熱水令沸。以管運熱氣至病人身邊。令其出汗。此即我國開鬼門之法也。消除身腫之法。則飲葡萄酸散。毛地黃可用。消腫兼滑大腸。宜用渣笠散。每朝或隔朝服之。腫成臃脹。則布道非連。或衣嚙爹。功效更偉。此則我國潔淨府之法也。脹症備用方。葶藶大棗湯。瀉白散。大順散。牡蠣澤瀉散。五苓散。越婢湯。甘遂半夏湯。控涎丹。五子五皮湯。子和桂苓湯。禹功丸。茯苓防己湯。中滿分消湯。小青龍丸。木防己湯。

吐瀉

吐瀉一症。幼兒脾胃受傷。陡變驚癇最多。若是不正穢氣觸入。或口食生冷。食用正氣散。六和湯。五積散之類。正氣受傷。肢冷呃忒。嘔吐自利。即用錢氏益黃散。有痰用星附六君子湯。理中湯等。倘熱氣深伏。煩渴引飲。嘔逆者。連香飲黃連竹茹桔皮半夏湯。熱閉神昏。用至寶丹。寒閉用來復丹。